

**Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip nr. 1370, 28. december 2011-meersup Kalaallit Nunaanni atuutilerneranik peqqussut pillugu Inatsisartut aalajangiiffigisassaattut siunnersuut**  
(Inuussutissarsionermut Aatsitassanullu Naalakkersuisoq)

**pillugu**

**Inuussutissarsionermut Ataatsimiititaliap**

**ISUMALIUTISSIISSUTAA**

**Siunnersuutip aappassaaneerneqarnerani saqqummiunneqartoq**

Inuussutissarsionermut Ataatsimiititaliaq suliarinninnermini makkunannga inuttaqarpoq:

Inatsisartunut ilaasortaq Naaja Nathanielsen, Inuit Ataqtigiit, siulittaasoq

Inatsisartunut ilaasortaq Andreas Uldum, Demokratit, siulittaasup tullia

Inatsisartunut ilaasortaq Kim Kielsen, Siumut

Inatsisartunut ilaasortaq Akitsinnuaq Olsen, Siumut

Inatsisartunut ilaasortaq Karl Lyberth, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqtigiit

Inatsisartunut ilaasortaq Jens Immanuelson, sinniisussaq, Siumut

**Siunnersuutip imarisaa siunertaalu**

Patent aamma Varemærkestyrelsi akiliuteqartitseriaasiata allannguuteqarani ingerlateqqinneqarsinnaanissaata qulakkeerneqarnissaa, allannguutissatut siunnersuuteqarnermi siunertaavoq. Inatsit aqutigalugu assilineqatsaaliuinissaq, nioqqutissanik allagartalersuissutissat il.il. pillugit qinnuteqaatinut aammalu pisinnaatitaaffinnut tunniunneqarsimasunut tunngatillugu Patent aamma Varemærkestyrelsi suliaassanik suliarinnittarneranut akiliutissat, inatsisini Aqutsisoqarfiup aqutaanni toqqaannartumik aalajangersagaalerput. Inatsimmi akiliutinut aalajangersakkat, maannamut nalunaarummi inatsisitigut tunngaveqarsimagaluartut, inatsisinut attuumassuteqarfigineqartunut nuunneqarput, taamaalillunilu suliaassarfimmi Naalagaaffimmi kukkunersiuissartup inassuteqaatai malinneqalerlutik.

Taamaalilluni inatsisip allannguutaani Patent aamma Varemærkestyrelsi maannakkut akiliutinut ilusiliinera attatiinnarneqarpoq aammalu peqatigisaanik inatsisini naapertuutinngitsut ataasiakkaat annikinnerusumik iluarsinerinik allanik imaqarluni.

Assilineqatsaaliuineq pillugu inatsit peqqussutikkut nr. 658, 11. juni 2010-imeersukkut Kalaallit Nunaannut atuutsinneqalerpoq.

### **Siunnersuutip Inatsisartuni siullermeerneqarnera**

Siunnersuut oktobarip 9-ani UKA/2012-imi siullermeerneqareermat Inatsisartunit siunnersuutigineqartoq ataatsimiititaliap misissuataarpaa matumuunalu isummersuutini nalilersuinilu Inatsisartuni oqallisigisassanngorlugit saqqummiullugit.

Siullermeerinninnermi siunnersuut siammasissumik taparserneqarpoq, Inuussutissarsiornermut Ataatsimiititaliami suliarisassanngortinneqarluni.

### **Tusarniaanermi akissutisarineqartut**

Tusarniaanermi akissutisarineqartut assilinerinik siunnersuutip matuma ataatsimiititaliami suliarineqarnerani atugassanik ataatsimiititaliaq piniarsimavoq.

Tassani atuarneqarsinnaavoq, siunnersuut piffissami 2012-imi juunip ulluisa tallimaannit juulip ulluisa 18-ata tungaanut tusarniutigineqarsimasoq. Tusarniaanermi akissutisiani isornartorsiuinernik tigusaqartoqarsimangilaq.

### **Ataatsimiititaliap siunnersuummik suliarinninnera**

Ataatsimiititaliaq suliamik suliarinninnermini allanik oqaaseqaateqarnissaminut pisutissaqarsimangilaq, ataatsimiititaliammi paasivaa inatsimmut allannguutissaq, malittarisassat Kalaallit Nunaannut atuutsinneqartut malillugit allannguuteqartinneqartoq.

### **Siunnersuutip aningaasatigut kingunerisinnaasai**

Allannguutissatut inatsimmi Patent aamma Varemærkestyrelsi maannakkut akiliutinut ilusiliinera attatiinnarneqarpoq aammalu peqatigisaanik inatsisini naapertuutinngitsut ataasiakkaat annikinnerusunik iluarsineqarnerinik imaqarluni.

Taamaattumik siunnersuut aningaasaqarnikkut sunniuteqassanngilaq.


### **Ataatsimiititaliap inassuteqaataa:**

**Ataatsimiititaliap isumaqatigiittup inassutigaa:**

Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip nr. 1370, 28. december 2011-meersup Kalaallit Nunaanni atuutilerneranik peqqussut, Namminersorlutik Oqartussat akuersaassagaat.


Taamatut oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

  
\_\_\_\_\_  
Siulittaasoq

  
\_\_\_\_\_

Siulittaasup tullia

  
\_\_\_\_\_

  
\_\_\_\_\_

  
\_\_\_\_\_

  
\_\_\_\_\_

  
\_\_\_\_\_